



REGIONE AUTONOMA DELLA SARDEGNA

DELIBERAZIONE N. 15/9 DE SU 11.3.2008

Ogetu: **Aprovu progetos atuativos de sos obietivos de su Pianu Sanitàriu Natzionale 2006-2008 in matèria de maladies raras, a fines de pòdere beneficiare de su Fundu de cofinanziamentu de su cale a s'art. 1, comma 805, de sa Lege n. 296/2006.**

S'Assessore de s'Igiene e Sanidade e de s'Assistèntzia Sotziale ammentat chi sa Lege n. 296/2006 (articulu 1, comma 805) istituit unu fundu pro tres annos pro su cofinanziamentu de sos progetos atuativos de su Pianu Sanitàriu Natzionale 2006 - 2008, a fines de minimare sa disparidade pro su chi pertocat sa distribuzione non pèrpere de sas atividades chi acumprint sa programmatzione sanitària natzionale in sas diferentes realidades regionales.

S'Assessore ammentat pro su chi s'atenet sas bator linias progetuales, individuadas dae s'articulu 1, comma 806, de sa lege 296/2006, sa Giunta regionale cun deliberazione n. 48/20 de su 29 santandria 2007, at aprovalu sos progetos atuativos chi pertocant s'isperimentatzione de su modellu assistenziale de sas domos de sa salute, initziativas pro sa salute de sas fèminas e initziativas in favore de sas fèminas gràidas, de sa partòrgia e de su criu, completamentu de sa retza de sas unidades ispinales, assignende a ognunu de custos sa cuota de cofinanziamentu regionale a fines de pòdere beneficiare de su finanziamentu ministeriale. Cun sa matessi deliberazione s'est in prus, apostivigadu de crastinare a unu provedimentu imbeniente s'aprovatzione de progetos chi pertocant maladies raras e sa definitzione de su cofinanziamentu regionale, isetende de connòschere sos critèrios in cunforma a sos cales ogni s'ingula Regione diat àere dèpidu ammanniare sos progetos regionale ispetzìficos, pro pòdere beneficiare de sa cuota de finanziamentu chi li tocat pro su chi atenet a sa partzidura intre Regiones e Provìntzias autònomas de sos 30 milliones de èuros, postos a disponimentu dae s'art. 1 comma 806 de sa lege mentovada. Leadu a cunsideru chi pro leare su finanziamentu ministeriale tocat a pigare un'impignu regionale ispetzìficu in tèrmines de impreu de resursas pròpias, s'Assessore relatat chi cun sa deliberazione de sa Giunta regionale n. 51/50 de su 20 nadale 2007 s'est apostivigada in € 300.000 s'entidade de su cofinanziamentu regionale, chi càrrigat subra sas disponibilidades de su bilanzu regionale 2007, UPB S 05.01.005, cap. SC 05.0117, de assignare a sos progetos pro sas maladies raras chi depent èssere ammaniados segundu sos indicos càbidos in su D.M. 10 triulas 2007 e sas linias de inditu definidas dae sa Commissione Salute. A reguardu est pretzisu, semper e cando, pònnere in craru chi, pro more de àteros averguos dae parte de s'ufitziu chi at sa cumpetèntzia subra sas disponibilidades finantziàrias iscritas in su bilanzu regionale 2007,

est istadu iscumproadu chi s'entidade de su cofinanziamentu de reconnòschere a sos progetos chi atenet a maladies raras depet èssere fissada in €275.000.

S'Assessore relatat, in prus, chi in cunforma a s'art. 1, comma 807, de sa L. N. 296/2006, su finanziamentu ministeriale at a èssere assignadu cun Decretu de su Ministèriu de sa Salude a proposta de su Comitadu Permanente pro sa verifica de sos Livellos Essenziales de Assistèntzia de sos cales a s'art. 9 de s'Intesa Istadu-Regiones de su 23 martzu 2005, a sas Regiones chi apant presentadu progetos atuativos de sos objetivos de su Pianu Sanitàriu Natzionale 2006-2008, coerentes cun sas lìnias progetuales individuadas cun Decretu ministeriale apòsitu.

S'Assessore ponet in craru in fines chi, subra sa base de sos indicos de su Decretu de su Ministeru de sa Salude de su 10 trìulas 2007 pro sa lìnìa progetuale 3 "maladies raras" e de disponimentos imbenientes leados in sea de Commissione Salude, s'Assessoradu at aparitzadu tres progetos, comente acraridu dae inoghe in antis:

a) progetu 1 - Retzas assistenziales pro nde leare in càrrigu sugetos cun maladies raras:

- valore totale €615.606, 73

- finanziamentu ministeriale €495.606, 73

- cofinanziamentu regionale €120.000;

b) progetu 2 - Isviluppu e impreu de protocollos diagnòsticos terapèuticos pro maladies raras :

- valore totale €496.485, 38

- finanziamentu ministeriale €396.485, 38

- cofinanziamentu regionale €100.000;

c) progetu 3 - Ativatzione registros regionales pro sas maladies raras,

- valore totale €154.121, 35

- finanziamentu ministeriale €99.121, 35

- cofinanziamentu regionale €55.000.

Su valore totale de sos tres progetos est parìvile a €1.266.213,46 de sos cales €991.213,46 de finanziamentu ministeriale e €275.000 de cofinanziamentu regionale.

Sa Giunta regionale, pustis de àere intesu sa proposta de s'Assessore de s'Igiene e de s'Assistèntzia Sotziale e leadu atu de su parre de legitimidade espressadu dae su Direttore generale de sa Sanidade

DELÌBERAT

- de aprovare sos progetos allegados a sa presente deliberatzione pro nde fàghere parte integrante e sustanziale;
- de apostivigare in € 275.000 su cofinanziamentu regionale chi pertocat sa linia progetuale n. 3 "Maladias raras", a càrrigu de sas disponibilidades de bilanzu regionale 2007, UPB S05.01.005, cap. SC05.0117;
- de pònner in cabu a s'Assessore de s'Igiene e Sanidade e de s'Assistèntzia Sotziale s'adotzione de provvedimenti imbenientes punnados a beneficiare de su Fundu de cofinanziamentu de su cale a s'art. 1, comma 805, de sa Lege n. 296/2006;
- de trasmitere custa deliberatzione a su Ministeru de sa Salute a fines de pòdere beneficiare de sa cuota de cofinanziamentu de su cale a su Fundu istituidu dae s'articulu 1, comma 805, de sa lege n. 296/2006.

Su Direttore Generale
Fulvio Dettori

Su Presidente
Renato Soru